

ԳԻՏԱԿԱՆ ԻՆՖՈՐՄԱՑԻԱ НАУЧНАЯ ИНФОРМАЦИЯ

ՀԱՅԱՍՏԱՆՈՒՄ «ԿԵՂՇ ԹԱՂԻ» ԱՌԱՋԱՑՄԱՆ ՀԱՐՑԻ ՇՈՒՐՁ

1970 թ. Սիսիան ավանի արևելյան թաղամասում շինարարական աշխատանքների ժամանակ բացվել է ստորերկրա դամբարան, աստիճանաձև նեղացող ծածկով: Հատակին կար մոտ 25—30 սմ հող, իսկ մնացած տարածությունը դատարկ էր: Դամբարանը կառուցված էր ոչ այնքան խնամքով մշակված, 20—23 սմ հաստությամբ, տարբեր երկարության կրաքարերից: Դամբարանն ուղղանկյուն է, հատակագծում ներսի չափերն են $2,10 \times 1,80$ մ, բարձր.՝ 1,66 մ: Պատերը շարված են նախապես պատրաստված սալահատակի վրա: Մուտքը (75×69 սմ) գտնվում է արևմտյան կողմում, հարավային պատին կից և փակված էր ավելի փոքր չափերի քարերով: Արևելյան և արևմտյան պատերի քարերը, չորրորդից մինչև յոթերորդ շարքը, $4,15$ և 20 սմ առաջ դնելու հետևանքով դամբարանի վերին մասն աստիճանաձև նեղանում է մինչև 65 սմ և փակվում լավ մշակված $150 \times 70 \times 24$ սմ չափերի երեք սալերով: Ներանց վրա հում աղյուսներով ($63 \times 49 \times 20$ սմ) պատրաստված է մոտ 25 քմ մակերեսով հարթակ: Վերջինս ծածկված էր $10—15$ սմ հաստությամբ մոխրախառն կպշուն հողով, որի մեջ կային կոտրատված անոթների և կենդանիների վառված ոսկորների մնացորդներ: Հարթակի վրա կար երկու խարխիս, մեկը բազալտից, որը գտնվում էր դամբարանի հյուսիս-արևմտյան անկյունում, մյուսը՝ կրաքարից, հարավ-արևմտյան անկյունում (նկ. 1-4):

Թաղումը կատարվել էր դիակիդման եղանակով, մոխիրը լցված էր դամբարանում գրված կավե սարկոֆագի մեջ (երկ. 115 սմ, լայն.՝ 57 սմ, խոր.՝ 60 սմ): Բացի սարկոֆագից դամբարանում կային զահի մասեր, աշտանակներ, արծաթյա, խեցեղեն, ապակյա անոթներ, ոսկյա, արծաթյա դարձեր, զենքեր, դրամներ, որոնցից ամենաուշը Որոդես II-ի ($57—37$ թթ.) դրամն է: Դամբարանը թվագրվում է մ. թ. ա. I դարի երկրորդ կեսով:

Հայաստանում «կեղծ թաղով» դամբարանները հանդես են գալիս մ. թ. ա. II հազարամյակում և հարատևում են մինչև մ. թ. ա. VI դարը: Ըստ որում, հանդիպում են երկու, երեք և չորս կողմից աստիճանաձև նեղացող ծածկով դամբարաններ: Այդպիսի դամբարաններ են հայտնաբերվել Օշականում¹, Սևանի ավազանում, Արագածի լանջերին, Լոռիում², Սիսիանի մոտ «Ղոշան դաշտում» և այլուր: Հսկաների տըները («Օղուղի տները»), ինչպես ժողովուրդն է անվանում, կառուցված են հսկայական քարերով, առանց շաղախի. դրանք երեք կողմից իսկ դռմենները, որոնք երկարավուն են՝ երկու կողմից աստիճանաձև նեղանալով ծածկվում են հսկայական սալերով: Քարերի տևական պատճառով հնարավոր չէ ուղիղ անկյուններ ստանալ, ուստի ստացվում է կամարի ձև³:

Համեմատաբար ավելի կանոնավոր շարվածք ունեն և Սիսիանի դամբարանն են հիշեցնում (ոռիում պեղումներով բացված, միջին բրոնզի շրջանին վերաբերող № 1 և № 6 դամբարանները (նկ. 2₅): Դրանք ուղղանկյուն են, պատերը շարված են անմշակ, բայց կանոնավոր ձևեր ունեցող, մեծ սալերով: Առաջինի չափերն են՝ հատակագծում $6,70 \times 2,92$ մ, բարձր. $2,60$ մ, երկրորդինը՝ $5,50 \times 3$ մ, բարձր. 3 մ: Երկու դամբարանների պատերն էլ, որոնք բաղկացած են յոթ շարքից, սկսած երկրորդից երկայնքով երկու կողմից աստիճանաձև նեղանում են մին-

¹ Ս. А. Есаян. Находки урартских изделий в Ошаканском могильнике. — «Древний Восток и мировая культура», М., 1981, с. 94.

² Ս. Г. Деведжян. Лори-Берд, I. Результаты раскопок 1969—1973 гг. Ереван, 1981, с. 19, 20, 24.

³ Թ. Թորամանյան. Նյութեր հայկական ճարտարապետության պատմության. I, Երևան, 1942, էջ 378, նկ. 279, հավելվածներ 381—403:

չև 1,55 մ ե ծածկվում հսկա սալերով⁴։ Կամո-
յի շրջանի Կարմիր գյուղում բացվեց ուրարտա-
կան մ. թ. ա. VII դարի դամբարանը, որն ուղ-
ղանկյուն հատակագիծ ուներ, ծածկված էր ան-
կյուններով ձգված, աստիճանաձև նեղացող
կոպիտ բարերով (նկ. 2₁₋₄)։

Ննթաղվում է, որ «Կեղծ թաղը» հանդիսա-
ցել է հայկական ճարտարապետության մեջ
լայնորեն կիրառվող գլխատների ու հազարա-
շենների գմբեթավոր փայտե ծածկերի նախա-
տիպը⁵։ Վերջիններս իրականացվում էին այն-
պես, ինչպես Կարմիր գյուղի վերոհիշյալ ու-
րարտական դամբարանը, Հազարաշեն ծածկե-
րի հնագույն օրինակներ հանդիպում են Կար-
միր բլուրի մինչուրարտական բնակավայրում⁶։

Աստիճանաձև նեղացող ծածկով բարից ու
աղյուսից պատրաստված դամբարաններ հայտ-
նի են նաև հին աշխարհի տարբեր երկրներում,
ինչպես, օրինակ, Եգիպտոսում (II դինաս-
տիա), Մարիում, Ուրում (III հադ.), Քիշում՝
վաղ դինաստիական շրջանում⁷, Սիրոս կղզու
կիկլոպյան շարվածքով դամբարաններում⁸ և
այլուր։

Ծածկի այդ ձևը շատ տարածված է եղել հու-
նական աշխարհում՝ Փոքր Ասիայում, Թրակիա-
յում, էտրուրիայում և հատկապես՝ Հուլիսա-
յին Մերձսևծովյան շրջաններում⁹, որտեղ այդ

կառուցվածքը կատարելության է հասցված
Բոսփորում դրանք հանդես են գալիս մ. թ. ա.
V դարի վերջերին արդեն զարգացած ձևով, իսկ
IV դարում, Պանտիկապոլում ու նրա շրջակայ-
քում, դառնում են թաղման ամենատարածված
ձևերից մեկը։ Այստեղ այն հարատևում է մին-
չև մ. թ. I դարը¹⁰։ Հանդիպում են երկու, երեք
և չորս կողմից նեղացող, աստիճանաձև ծած-
կով դամբարաններ։ Վերջինիս փայլուն օրինակ-
ներին է Կերչի մոտ գտնվող «Թագավորական-
կուրգանը»։

Բոսփորում դրանց հանդես գալու մասին եր-
կու հիմնական կարծիք կա։ Մեկն այն է, որ դը-
րանք հանդիսանում են այսպես կոչված էգե-
յան թուլոսների¹¹ (Ատրենոսի դամբարանը) հե-
տագա զարգացումը, որոնք լայնորեն տարած-
ված էին Հունաստանում մ. թ. ա. II հազարամ-
յակի կեսերից մինչև IX—VIII դդ.։ Հունաստա-
նում այդ շրջանում նաև աստիճանաձև ծածկով
ուղղանկյունաձև դամբարաններ կառուցվե-
լու փորձեր են արվել, սակայն վերջիններս տա-
րածում չստացան։ Միկենյան թուլոսների սկզբ-
բունքները շարունակվեցին էտրուրիայում և
Փոքր Ասիայում մ. թ. ա. VII—VI դդ., այսինքն
մինչև Թրակիայում դրանց հանդես գալու։ Նն-
թաղվում է, որեմն, որ այդ ավանդույթը Բոս-
փոր է անցել Թրակիայից և Փոքր Ասիայից¹²,
որոնց հետ Բոսփորյան թագավորությունը սեր-
տորեն կապված էր։ Երկրորդ կարծիքն այն է,
որ այդ ավանդույթը ոչ մի կապ չունի Միկեն-
յան թուլոսների հետ։ Այն առաջացել է տեղական
ցեղերի մոտ գոյովյուն ունեցող, փայտից

4 Ս. Դ. Ե ի չ յ ա ն. Լոռի բերդի № 2 դամ-
բարանը. «Պատմա-բանասիրական հանդես»,
1972, № 2, էջ 267, նկ. 1; С. Г. Деведжян.
Указ. соч., с. 19, 20, 23, 24, рис. 3.

5 С. В. Вартамян. Азарашен и его
значение в армянской архитектуре. «Вест-
ник общественных наук», 1967, № 6, с. 78;

6 А. А. Мартиросян. Город Тей-
шебани. Ереван, 1961, с. 25, 30, рис. 9 а, б.

7 Г. Ч ай л д. Древнейший Восток в
свете новых раскопок. М., 1956, с. 144, 223,
229, 233, 237; Всеобщая история архитекту-
ры в 12 томах: Архитектура Древнего ми-
ра. 1, М., 1970, с. 199, рис. 2.

8 Г. Ч ай л д. У истоков европейской
цивилизации. М., 1952, с. 86, рис. 25.



9 М. Ростовцев. Античная деко-
ративная живопись на Юге России. СПб,
1914, с. 109 и сл.; В. Ф. Гайдукевич.
Боспорское царство. М.—Л., 1949, с. 245—
274; Его же, Боспорские города. Уступ-
чатые склепы, Эллинистическая усадьба,
Илурат, Л., 1981, с. 6—52; В. Д. Бла-
ватский, О происхождении боспорских
склепов с угруппчатыми перекрытиями,—
СА, 1955, № XXIV, с. 29—53; А. Н. Ка-

расев. Архитектура.—«Античные города
Северного Причерноморья», М.—Л., 1955,
с. 204—214; Г. Цанова, Л. Гетов.
Тракийската гробница при Мъгळेже.—«Ар-
хеология», кн. 2, 1973, с. 15—29; В. И.
Цехмистренко и В. Э. Кунин.
Склеп с уступчатым покрытием в районе
царского кургана близ Керчи.—МИА, №
69, 1959, с. 251—254; Д. С. Кирилин.
Трехбратные курганы в районе Тобачик-
ского озера.—«Античная история и культу-
ра Средиземноморья и Причерноморья»,
Л., 1968, с. 178—188.

10 М. Ростовцев. Указ. соч., с.
139 и сл., 148.

11 Հատակագծում շրջանաձև կառուցվածք
ունեցող շինություններ։

12 В. Ф. Гайдукевич. Боспор-
ское царство, с. 262—265; его же. Бос-
порские города, с. 50—52; ВИА, с. 194, рис.
35.



պատրաստված դամբարաններից, որ հունամիտական վերնախավը շարունակել է Մերձ-կուրանյան վրանաձև ծածկերով դամբարանների ավանդույթները՝ պարզապես փայտյա կառուցվածքները փոխարինելով քարով¹³։

Վերոհիշյալ կարծիքներից առաջինն ավելի համոզիչ է թվում։ Այդ ձևերը, ինչպես վերը տեսանք, արևելքում ավելի վաղ են հանդես գալիս, ուստի «կեղծ թաղով» ծածկի ակունքները պետք է փնտրել այնտեղ։ Շատ հավանական է, որ միկենյան թուրքները իրենք կրած լինեն Առաջավոր Ասիայում և Նզիպտոսում գոյություն ունեցած այդ տիպի ծածկերի ազդեցությունը, թեև բացառված չէ իրարից անկախ դրանց հանդես գալը և դարգանալը։ Փոքր Ասիայում՝ խեթական¹⁴ աշխարհում (Խաթուշա), Լիգիայում և ալուր¹⁵, «կեղծ թաղով» քարե և աղյուսե¹⁶ կառույցներ, դամբարաններ մ. թ. ա. II—I հազարամյակում հաճախ են հանդիպում։ Ուշ շրջանի այգորինակ կառույցներից ուշադրության արժանի են Կենկարայից 40 կմ դեպի արևմուտք գտնվող Կարալարում¹⁷ 1933 թ. բացված, չորս կողմից աստիճանաձև նեղացող «կեղծ թաղով» դամբարանները («С»), որոնց ձիշտ ժամանակը որոշված չէ։ Վ. Ֆ. Գայդուկևիչը ենթադրում է, որ դրանք վերաբերում են հելլենիստական շրջանին¹⁸։

¹³ В. Д. Блаватский. О происхождении Боспорских склепов с уступчатыми перекрытиями.—СА, XXIV, 1955, с. 37—38.

¹⁴ ВИА, с. 242, рис. 25; Akurgal, Die kunst der Hethiter, München, 1961, Abb. 73; E. Klengel und H. Klengel. Die Hethiter und ihre Nachbarn. Eine kulturgeschichte kleinasiens von Catal Hüyük bis zu Alexander dem Grossen. Leipzig, Koehler, Amelang, 1970, Abb. 30.

¹⁵ С. А. Кауфман. Об уступчатых склепах Боспора.—«Сообщение Института истории и теории архитектуры АН СССР», № 6, 1947, с. 22—23; В. Ф. Гайдукевич, Боспорские города, с. 51; ВИА, с. 251, рис. 42.

¹⁶ J. de Morgan. Recherches archéologiques, Fouilles a Suse. I, s. 114.

¹⁷ Remzi Oguz Arık et J. Coupry. Les tumuli de Karalar et la sépulture du roi Déiotaros II.—«Revue archéologique», 1935, T. VI, Juillet—décembre, p. 136—140, fig. 4, 9.

¹⁸ В. Ф. Гайдукевич. Боспорское царство, с. 527, прим. 64.

Ինչ վերաբերում է Հայկական լեռնաշխարհին, ապա մ. թ. ա. II—I հազարամյակի վերոհիշյալ դամբարանները թույլ են տալիս ենթադրելու, որ գործ ունենք ծածկի այդ ձևի ցտեղծման ու զարգացման ավանդույթի հետ։ Սակայն Ուրարտուի անկումից հետո, մ. թ. ա. VI դարից մինչև մ. թ. ա. I դարի կեսերն ընկած ժամանակահատվածին վերաբերող «կեղծ թաղով» շինություններ Հայաստանում չեն հայտնաբերվել։ Կարելի է ենթադրել միայն, որ այդ ձևով են ծածկված եղել Քանոփոնի «Անաբասիսում» նկարագրված (մ. թ. ա. V դարի վերջ) հայկական բնակարանները¹⁹, Դարանաղյաց ու Անգեղտան գավառում թաղված հայ թագավորների²⁰ և էրդրումի երկաթուղու շինարարության ժամանակ, 1917 թ. Հասան-Ղալայում բացված հելլենիստական դարաշրջանի դամբարանները²¹։ Հնագետներին չի հաջողվել վերջիններս կանգուն վիճակում տեսնել, որովհետև շրջակայքի բնակիչները դրանք քանդել և քարերը տարել էին։ Պահպանվել էր միայն սալահատակը և պատերի առաջին շարքի քարերի մի մասը։ Պատերը շարված են եղել բաց մոխրագույն, մոտ 0,5 մ բարձրությամբ սրբատաշ սալերից, առանց շաղախի, միայն անկյունային քարերը միացվել են ծիծեռնակապուշ կապերով։ Սալարկղը, որը գտնվում էր դամբարանի սալահատակի վրա, պատրաստված էր նույն քարերից (երկ. 2 մ, լայն. 1,5 մ)։ Բացելիս դամբարանը կանգուն է եղել և փայտյա ծածկի հետքեր չեն նկատվել (նկ. 15-6)։

Երկրորդ դամբարանաբլրի պեղումները պատերազմի պատճառով չավարտվեցին։ Սակայն պեղումների ղեկավար Ս. Վ. Տեր-Ավետիսյանի կարծիքով երկու դամբարանաբլուրները նման են, պատկանում են մ. թ. ա. III—II դդ. և դատելով նյութերից, կառուցվել են հելլենիստական մշակույթի ազդեցությամբ²²։

Ուշ հելլենիստական Հայաստանում «կեղծ թաղ» օգտագործում են ոչ միայն քարե և փայտե, այլև աղյուսե կառուցվածքներում։ Աղյուսաշար այդպիսի դամբարաններ են հայտնա-

¹⁹ Xen. Anab., IV, 25.

²⁰ Մովսիսի Խորենացուց Պատմութիւն Հայոց. Տփղիս, 1913, գ. III, իէ։ Փաւստոս Բիւզանդ. Պատմութիւն Հայոց. Վենետիկ, 1832, դպր. IV, իդ։

²¹ С. В. Тер-Аветисян. Курганы Хасан-Калы.—«Известия Кавказского историко-археологического института», том IV, Тифлис, 1926, с. 73—76, рис. 1.

²² Նույն տեղում, էջ 84։

բերվել հին Հայաստանի Շակաշեն²³ մարզում (վերաբերում են մ. թ. ա. և մ. թ. I դարերին²⁴):

Ենթադրվում է, որ Փարաբարի աշտարակաձև շինությունը նույնպես ունեցել է «կեղծ թաղ»²⁵: Սակայն նրա, ինչպես նաև աշտարակաձև մյուս շինությունների ինչ լինելը²⁶ և ծածկի հարցը վիճելի են: Ծածկի այդպիսի կառուցվածք են ունեցել Դվինի պատրիարքարանի ապարանքի շինությունը (V—VI դդ.), միջնադարյան եկեղեցիների սեղանատները և զավիթները, բնակելի տներն ու իջևանատները²⁷: Այսպիսով, մենք տեսնում ենք «կեղծ թաղով» ծածկի ավանդույթների անընդմեջ՝ գոյությունը Հայ-

կական լեռնաշխարհում մ. թ. ա. II հազարամյակի կեսերից մինչև մեր օրերը: Ենթադրվում է, որ Սիսիանի դամբարանը ունեցել է վերերկրյա կառույց²⁸, մինչդեռ, ինչպես վերը տեսանք, երկրորդ հարկ չի եղել: Հայաստանում թաղաբնակիցները կապ չունեն որևէ շինության հետ, նրանք ծառայել են իբրև զոհասեղաններ, որովհետև՝ ա) հայտնաբերված իտալականներից մեկը կրաքարից է, մյուսը՝ բազալտից. բ) բազալտե իտալականի վերին մասը կրակից սևացած է. գ) դրանք թեև գտնվել են իրենց սկզբնական տեղում (in situ), սակայն դամբարանի և միմյանց նկատմամբ սիմետրիկ չեն դասավորված. դ) դամբարանի վրայի աղյուսաշար հարթակը զրեթե անվնաս էր, սակայն վերերկրյա կառույցի այլ հետքեր չեն նկատվել. ե) «կեղծ թաղով» ծածկված հայտնի դամբարաններից և ոչ մեկը՝ Փոքր Ասիայում, Թրակիայում, Բոսփորում կամ Հյուսիսայում, երկրորդ հարկ, այսինքն վերերկրյա կառույց, չեն ունեցել: Խարխիսներն իբրև զոհասեղաններ օգտագործելու սովորությունը լայնորեն տարածված է եղել Արտաշատի ուղ հելլենիստական և մ. թ. առաջին դարերի դիակիզումով կատարված թաղումներում:

Մ. թ. ա. III—I դդ., երբ ուժեղացան Հայաստանի կապերը հելլենիստական աշխարհի հետ, հայկական մշակույթը, այդ թվում նաև շինարարական արվեստը, կրեց հելլենիստական մշակույթի բարերար ազդեցությունը: Թաղման ձևերի մեջ մուտք գործեցին հելլենիստական սովորույթներ, «կեղծ թաղով» դամբարաններն ավելի կատարելագործվեցին:

Ժ. Գ. ԽԱՉԱՏՐՅԱՆ

23 Կիրովաբադից հարավ, Խանլար տանող ճանապարհին:

24 Я. И. Гуммель. Сырцовые гробницы Азербайджана и их датировка.—СА, 1940, № 6, с. 293—297; Его же. Археологические очерки. Баку, 1940, с. 149, 159, 160, фиг. 3 Д.

25 С. С. Мнацаканян. Композиция двухъярусных мартириумов в армянском раннесредневековом зодчестве.—«Историко-филологический журнал», 1976, № 4, с. 215.

26 Գ. Տիրացյան. Փարաբարի աշտարակաձև դամբարանը և նման հուշարձաններ Հայաստանում և Առաջավոր Ասիայում.—«Բանբեր Երևանի համալսարանի», 1970, № 1, էջ 238:

27 Վ. Հարությունյան. Նշվ. աշխ., էջ 72—80, նկ. 21—24: Նույնի՝ Միջնադարյան ճարտարապետության ձևատեղծումների ժողովրդական ակունքները. «Պատմա-բանասիրական հանդես», 1976, № 4, էջ 60—67, աղ. I, 1, 4, 5, II, III, 3:

28 С. С. Мнацаканян. Указ. соч., с. 216.